

Саволим жинсини ўзгартирувчилар ҳақида

20:09 / 27.04.2016 3410

САВОЛ: Ассалому алайкум, Ҳазрат! Саволим жинсини ўзгартирувчилар ҳақида. Маълумки, инсон жинсининг тайин қилиниши Роббимиз томонидан жорий қилинганд жуда юкори аниқликдаги генетик қонунларга кўра содир бўлади. Яъни жинсни белгиловчи хромосомалар (генни ташкил қилувчи таркибий қисмлар) биизнилаҳ бир тартибда терилади ва қиз бўлади, агар уларнинг ораларига эркакликни белгиловчи ген тушса, фарзанд ўғил бўлади. Бу икки шаклда «эркаклик» ёки «аёллик» даражаси наслга боғлиқ бўлсада, ўз жинсига мансублик тўла-тўқис бўлади. Аммо баъзида Аллоҳнинг иродаси билан жинсий хромосомалар ўзаро «аралашиб кетади» ва натижада инсон жинси тўлалигича аниқланмасдан дунёга келади. Бунинг ҳам бир неча вариантлари бор: баъзан бу оғир наслий касаллик шаклида, ақли заифлик билан кечса, бошқа шаклида инсон соғлом, лекин жинсий аъзоларининг ривожланиши мансуб жинсга мос ҳолда эмас, ақлий соғлом, сухбатлашганда ҳеч қандай касалликка шубҳа туғилмайдиган даражада бўлади. Менинг саволим касалликнинг айнан шу иккинчи шаклига оид. Мен бундай одамларни бир неча бор эшитдим ва кўрдим. Ташки кўринишда эркаклик ғолиб, аслан эса (фикрлаш, қарши жинсга қизиқиш туйғуси, ҳатти-ҳаракатлар) аёлдир ва аксинча. Афсуски, туғруқхонада шошма-шошарлик билан жинси аниқланиб, метрикада қайд этилиб, исм ҳам қўйиб эълон қилиб бўлганимиздан сўнг улар ижтимоий ҳаётимизга қандай мослашсинглар. Бундай беморларнинг мусулмонларини биламан, улар эркаклар билан масжидга чи-қиб, бир таҳоратхонадан фойдаланадилар. Аммо эркакларга қарши жинсий уйғониш бўлсада, Аллоҳнинг номаҳрамларга қарши кўзни юмиш ояти ижоби ўзларини эркаклардан тортадилар. Тиббий тадқиқотларга кўра Европада гомосексуализм билан шуғулланаётганларнинг бир қисми ҳам шу каби bemorлардир.

Савол қуидагича:

1. Шу каби bemorларга оид динимизда қандай ҳукмлар мавжуд?
2. Бу bemorлар операъия йўли билан жинсини ўзгартирилиб, ҳаётда ўз жинси тарафига ўтиш имконияти туғдирилса, бунинг ҳукми қандай? (Бу ҳозирги тиббиётнинг ривожланиш даражасида мумкин бўлган нарса).
3. Лутийлик билан шуғулланган бундай bemorларнинг жазоланиши лозимми ёки даволаниши?

ЖАВОБ: Бисмиллахир роҳманир роҳийм.

Саволингизга Робитатул оламил исломий ҳузуридаги Ислом Фиқҳи Академияси қарори или жавоб беришга ҳаракат қиласиз:
Эркакни аёлга айлантириш ва аксинча қилиш ҳақида
Аллоҳнинг Ўзига ҳамдлар бўлсин!

Ортларидан набий йўқ зотга салавотлар бўлсин!

Ислом Фиқҳи Академияси Маккаи мукаррамада, Робитанинг биносида, 1409 ҳижрий сана. 13-20 Ражаб (1989 йил 19-26 феврал) кунлари бўлиб ўтган ўн биринчи мажлисида эркакни аёлга айлантириш ва аксинча қилиш ҳақидаги масалани кўриб чиқди.

Муноқаша ва фикр алмашувлардан ке-йин Ислом Фиқҳи Академияси бир овоздан қуйидаги қарорларни қабул қилди:

Биринчи: эркаклик ва аёллик аъзолари тўлиқ бўлган шахсларни бир жинсдан иккинчи жинсга айлантириш мумкин эмас. Бундай ишни қилишга уринишнинг ўзи уқубатга лойиқ жиноятдир. Чунки бу Аллоҳ яратган нарсани ўзгартиришга уринишдир. Аллоҳ таоло Қуръонда шайтоннинг гапини нақл қилиб «уларга амр қилсан, Аллоҳнинг яратганини ўзгартираплар» деган (Нисо сураси, 119-оят).

Саҳихи Муслимда Абдуллоҳ ибн Масъуд розияллоҳу анхудан ривоят қилинади:

«Аллоҳ ҳусн учун вашм қилувчи аёлларни, вашм қилдирувчи аёлларни, мўйчинак или терувчи аёлларни, мўйчинак или тердирувчи аёлларни ва тиш орасини очувчиларни, Аллоҳнинг яратганини ўзгартувчиларни лаънатласин», дедилар.

Бу гап Бани Асадлик Қуръон қироат қиладиган Умму Яъқуб исмли аёлга етди. У келиб бу ҳақда сўради. Бас, у:

«Нима учун Расулуллоҳ соллаллоҳу алайҳи васаллам лаънатлаган кимсани лаънатламас эканман. Ҳолбуки, бу Аллоҳнинг китобида бор», деди».

Иккинчи: Бирор шахсда аёллик ва эркаклик аломатлари жамланиб қолса, унинг ғолиб тарафига қаралади.

Кимда эркаклик ғолиб бўлса, уни тиббий йўл или даволаб эркаклигига етган шубҳани йўқотиш жоиз бўлади.

Кимда аёллик ғолиб бўлса, уни тиббий йўл или даволаб аёллигига етган шубҳани йўқотиш жоиз бўлади.

Бу даволаш жарроҳлик йўли билан ёки гормонлар билан бўлса ҳам, барини бир. Бу нарса беморликдир. Беморликни эса даволаш лозим. Бу даволаш Аллоҳнинг яратганини ўзгартириш доирасига кирмайди. Валлоҳу аълам.